



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-273-4/25**
Datum: **09.10.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «EURO-ASFALT» d.o.o. Sarajevo za donošenje rješenja o vodnoj dozvoli za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betona (privremenog karaktera) instaliranog na lokalitetu Tugovići, općina Tešanj predviđenog za potrebe izgradnje autoputa i tunela na Koridoru Vc, dionica Medakovo - Ozimica, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «EURO-ASFALT» d.o.o. Sarajevo, daje se vodna dozvola za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betona (privremenog karaktera) kapaciteta 60 m³/h instaliranog na lokalitetu Tugovići na zemljištu označenom kao k.č. broj: 1704/4, 1705/3 i 1706/2 K.O. Trepče, općina Tešanj (gradilišna zona) predviđenog za potrebe izgradnje autoputa i tunela na Koridoru Vc, dionica Medakovo - Ozimica.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode za tehnološke potrebe za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, u skladu sa članom 139. stav (2) tačka 2. Zakona o vodama ili općina/grad, ukoliko je kantonalnim propisom prenesena nadležnost na općinu/grad, shodno stavu (3) istog člana Zakona.
3. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na predmetnoj lokaciji i uz sljedeće uslove:
 - 3.1. Da se upotreba i korištenje instalirane opreme i objekata na predmetnom pogonu za proizvodnju betona vrši u skladu sa njihovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se, za vrijeme trajanja ove dozvole odnosno perioda rada betonare, obezbijedi da se tehnološke otpadne vode nastale u proizvodnom postupku spravljanja i proizvodnje betona, pranjem vozila za transport betona i tehnološke opreme nesmetano prikupljaju u taložnim bazenima odakle se nakon izbistravanja, prečišćene vode ispuštaju u Trebačku rijeku.
 - 3.3. Objekte koji se koriste u svrhu prikupljanja, odvodnje i tretmana tehnoloških otpadnih voda nastalih na predmetnom lokalitetu (kanalizaciona mreža, rešetke, betonski taložni bazeni...) potrebno je održavati i koristiti na takav način koji će obezbijedi njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
 - 3.4. Prečišćene otpadne vode, prije ispuštanja u recipijent – Trebačka rijeka, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 3.5. Čišćenje i održavanje taložnih bazena te skladištenje i konačno zbrinjavanje otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu mulja/taloga iz taložnika i separatora ulja i masti kao i preuzimanje drugog otpada.
 - 3.6. Sadržaj (mulj) iz taložnih bazena se ne smije ni privremeno odlagati na česticu «vodno dobro», odnosno u vodotok i na njegove obale.

- 3.7. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.8. Da se vrši redovno održavanje ispusta, dijela obale i korita Trebačke rijeke kao i pristupa mjestu na kojem se nalazi ispušt otpadnih voda iz predmetnog pogona.
 - 3.9. Da se istrošena ulja, nauljene krpe i sav opasni otpad koji nastaje na prostoru pogona za proizvodnju betona i betonske smjese redovno prikuplja i propisno, privremeno skladišti u metalne spremnike do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.10. Vlasnik odnosno korisnik predmetnog pogona je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
 - 3.11. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik pogona je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, Korisnik je dužan provoditi sve mjere i aktivnosti propisane istom.
 6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog pogona obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na lokalitetu predmetnog pogona obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
 8. Ukoliko radom predmetnog pogona za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke nastalih šteta otkloniti, a nastale štete trećim licima nadoknaditi.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. U ovoj upravnoj stvari plaćene su sve upravne pristojbe.
 11. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane pravnog lica «EURO-ASFALT» d.o.o. Sarajevo, dana 17.06.2025. godine podnesen je ovaj Agenciji zahtjev za izdavanje vodne dozvole za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betona (privremenog karaktera) kapaciteta 60 m³/h instaliranog na lokalitetu Tugovići na zemljištu označenom kao k.č. broj: 1704/4, 1705/3 i 1706/2 K.O. Trepče, općina Tešanj (gradilišna zona) predviđenog za potrebe izgradnje autoputa i tunela na Koridoru Vc, dionica Medakovo - Ozimica.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 065-0-RegZ-25-006717 izdatog dana 22.05.2025. godine od strane Općinskog suda u Sarajevu,
- Ovjerena kopija Uvjerenja o poreznoj registraciji izdatog dana 09.03.2007. godine od strane Porezne uprave - Kantonalni ured Sarajevo,
- Kopija Rješenja o prethodnoj vodnoj saglasnosti broj: UP-1/21-1-40-004-5/25 izdatog dana 10.02.2025. godine od strane «Agencije za vodno područje rijeke Save» Sarajevo,
- Projekat izvedenog stanja vodovoda i kanalizacije za objekat – Privremeno postrojenje za proizvodnju betona Odmorište Tugovići, općina Tešanj urađen od strane «ZAGREBINSPEKT» d.o.o. Mostar (broj: 01-15-19-1-V/25, juni 2025. godine) – na uvid,
- Kopija Rješenja o urbanističkoj saglasnosti broj: UPI/03-23-2-22/15 ID izdatog dana 01.09.2015. godine za izgradnju autoceste na koridoru Vc dionica Doboj Jug (Karuše) – Ozimica na područja općina Tešanj, Maglaj i Žepče izdato od strane Federalnog ministarstva prostornog uređenja (rješenje izdato za JP Autoceste Federacije BiH d.o.o. Mostar),
- Kopija Rješenja o izmjeni Rješenja broj: broj: UPI/03-23-2-22/15 od 09.09.2021. godine i izmjeni rješenja broj: UPI/03-23-2-22/15 od 03.11.2022. godine za izgradnju autoceste na koridoru Vc dionica Putnikovo Brdo – Ozimica na područja općina Doboj Jug, Usora, Tešanj, Maglaj i Žepče izdatih od strane Federalnog ministarstva prostornog uređenja (rješenje izdato za JP Autoceste Federacije BiH d.o.o. Mostar),
- Kopija Rješenja o privremenoj uslovnoj saglasnosti za izgradnju privremenog objekta betonare za potrebe izgradnje autoceste na Koridoru Vc, dionica Medakovo-Ozimice broj: UP01-01.2-694-2/25 izdatog dana 12.06.2025. godine od strane JP Autoceste Federacije BiH d.o.o. Mostar (rješenje izdato za «EURO-ASFALT» d.o.o. Sarajevo),
- Kopija Rješenja o okolinskoj dozvoli broj: UPI 05/2-23-11-144/19 izdatog dana 27.09.2019. godine za projekat Autocesta na koridoru Vc dionica LOT 2 – dionica Doboj Jug (Karuše) – Sarajevo (jug) – Tarčin u ukupnoj dužini 145 km od strane Federalnog ministarstva okoliša i turizma (rješenje izdato za JP Autoceste Federacije BiH d.o.o. Mostar),
- Kopija Rješenja o odobrenju za građenje autoceste sa pratećim objektima na koridoru Vc poddionica Medakovo – Ozimica u sklopu dionice Putnikovo Brdo – Ozimica broj: UP1-03-19-2-322/23 izdatog dana 19.07.2023. godine od strane Federalnog ministarstva prostornog uređenja (rješenje izdato za JP Autoceste Federacije BiH d.o.o. Mostar),
- Kopija Rješenja o izmjeni rješenja broj: UP1-03-19-2-322/23 izdatog dana 18.03.2024. godine od strane Federalnog ministarstva prostornog uređenja (rješenje izdato za JP Autoceste Federacije BiH d.o.o. Mostar),
- Kopija Sporazuma broj: 2023-01 (original i prevod) o izvođenju svih radova od km: 0+300 do izlaznog portala tunela Crni Vrh do km: 8+865 autoceste na Koridoru Vc, dionica Medakovo – Poprikuše, poddionica Medakovo - Ozimice potpisan dana 20.06.2023. godine između «CENGIZ INSAAT SANAYI VE TICARET AS» Podružnica Zenica i «EURO-ASFALT» d.o.o. Sarajevo,
- Kopija Ugovora broj: 220-01/24 o sakupljanju, skladištenju i zbrinjavanju opasnog otpada zaključenog dana 18.03.2024. godine između «EURO-ASFALT» d.o.o. Sarajevo i «KEMEKO-BH» d.o.o. Lukavac,
- Kopija Izvještaja o rezultatima ispitivanja kvantitativnih karakteristika efluenta sa programom praćenja stanja voda (monitoring) voda broj: 01-2-158-V/25, maj 2025. godine, urađen od strane «Zagrebinspekt» d.o.o. Mostar,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog pogona za proizvodnju betona lociranog na lokalitetu Tugovići, općina Tešanj predviđenog za potrebe izgradnje autoputa i tunela na Koridoru Vc, dionica Medakovo - Ozimica i tom prilikom je sačinjen Zapisnik o uviđaju broj: UP-1/21-3-40-273-3/25 od 23.09.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Lokacija na kojoj je instaliran privremeni pogon za proizvodnju betona (tip PROMAX kapaciteta 60 m³/h betona) nalazi se na lokalitetu Tugovići (buduće odmorište na trasi autoputa) na zemljištu označenom kao k.č. broj: 1704/4, 1705/3 i 1706/2 K.O. Trepče, općina Tešanj (gradilišna zona). Instaliran je za potrebe izgradnje autoputa i tunela na Koridoru Vc, dionica Medakovo - Ozimica.

Postrojenje čine sljedeće cjeline: mješalica, dva silosa za cement, taložnici, trakasti transporter, privremeno skladište za agregat, rezervoar za aditive, rezervoar za vodu.

Obzirom da se radi o gradilišnoj betonari privremenog karaktera, uposlenicima se sanitarna voda doprema u zatvorenim kanisterima. Uposlenici koriste mobilne, ekološke toalet kabine. Za tehnološke potrebe spravljanja betona voda se zahvata iz Trebačke rijeke ili dovozi cisternama a potom deponuje u rezervoar kapaciteta 30 m³ instaliran u krugu betonare.

Tehnološke otpadne vode opterećene suspendovanim materijama, ostacima cementa i agregata nastale u postupku spravljanja betona, pranjem vozila za transport betona i spiranjem radnih površina se prikupljaju u četiri AB taložna bazena. Zadnji taložni bazen ujedno služi kao okno za monitoring. Prečišćena voda se ispušta u otvoreni kanal sve do konačnog recipijenta - Trebačka rijeka.

Monitoring otpadnih voda se vrši od strane «Zagrebinspekt» d.o.o. Mostar. Na uvid predložen izvještaj o ispitivanju kvaliteta otpadnih voda za maj 2025. godine. Prema podacima iz dostavljenog Izvještaja utvrđeno je da ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja predmetnog poslovnog objekta u skladu sa odredbama člana 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 6. dispozitiva ovog Rješenja.

Na osnovu provedenog postupka konstatuje se da je podnosilac zahtjeva, «EURO-ASFALT» d.o.o. Sarajevo, ispunio minimum uslova za izdavanje vodne dozvole za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betona (privremenog karaktera) instaliranog na lokalitetu Tugovići, općina Tešanj predviđenog za potrebe izgradnje autoputa i tunela na Koridoru Vc, dionica Medakovo - Ozimica, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-273-2/25 od 19.09.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju

Rukovodilac Sektora za izdavanje vodnih akata



Nihad Pezo, dipl.inž.građ.

Dostaviti:

- «EURO-ASFALT» d.o.o. Sarajevo
Rajlovac bb, 71000 Sarajevo
- AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava